

Nepomuk Gaschi

Ausschnitte aus dem Programm 2005

Der Waffaplatz dä isch varbi
A grosse See wird jetz der Rhy
Als Rettigsschwimmer ufam See
kasch d'Ratti im Bikini gseh

In der Stadt a Schlägerey
wit und breit kei Polizey
Denn d'Stapo isch in Haldastei
und suacht a gäla Papagei

Im Prättigau händ's dr Sex entdeckt
Jetzt werdend Tütti füragstreckt
Bim mälcha het dr Knecht a Ständer
Im Stall do hangt dr Puurakalender

Tusig Lämppli hens montiert
Au z'WC isch neu renoviert
Dank am Isfeld uf dr Quaderwiesa
Kasch döt au wider gmüetlich schiessa

As gilt null komma fünf Promill
das kümmeret üs gar nid viel
Bis d'Schroter sind im Kürsli gsi
Isch schu s'ganza Johr varbi

Är hätt verloht der EHC
Kann Quaderwiesa nümma gseh
Und znögscht Johr nimmt da guati Ma
Sies Schtadion uf Namibia

Miar sind so trurig und doch froh
dass Sie dä Sender hett verloht
Jetzt winkend miar halt mit dr Hand
Guatnacht sind liab mitenand